

神廟留中奏疏彙要

神廟留中奏疏彙要

戶部類 第六卷

萬曆肆拾陸年拾壹月貳拾捌日

戶部主事洪啟初一本為奉

差事竣謹

陳滇黔艱危情形仰祈

聖鑒亟罷

貢金

大恤灾地以猶亂萌以安邊計事臣切惟我國家稱唇齒之邦莫如滇黔滇以黔為門戶黔敝則滇必受其梗塞黔以滇為倉廩滇敝則黔必受其厄羸蓋一方病害且交中况兩地並時俱困尚可任其日懷月甚悠悠泄泄而不為之所哉臣學術識淺我

皇上不可以為不肖

卑臣以滇閩之任臣職在衡士何知有四方事顧

古者

皇華使採風問俗必以入告臣實有事於滇而默為攘攘往返其間所得於耳目最稔敢自緩於諷詢而不一為

皇上

陳之按滇僻處天下未俗尚朴厚臣啣

命入棘闈惟懼亡以當遴選乃縱觀其文大率多
馴正爾雅無叛道不經之談及撤闈稍問及民

間疾苦則最為滇害者無如
貢金一事臣於是不憂其文而憂其民生之日蹙
也臣觀詩書所稱萬邦

貢獻惟其土物而止故不易為辦而上非不經未
聞有地非其產而

貢供為常非有名而

加額如故若滇之

貢金其間越地採買之苦與夫設處挪借之艱追

號起運之擾按臣不啻繪民情而為言憂懇迫
至讀之堪洒洛陽之涕臣已可無言矣惟是臣
入黔至盤江河士人為臣言六月中滇鮮

貢金護衛兵役率先渡江溺死者五十人金幸後
至無恙臣聞之不勝駭異夫盤江一河兩岸相
距咫尺而近非洪流巨浪而一時覆溺無一獲
全此理之不可解者良繇

天心

示厭特假此以震悚

皇上之端其遺於臣所見聞耳不自滇達燕斃幾
許民命而後此金得輦入
大內而後知

皇上

德弘

好生使得於乍見未有不

牴然動色者而肯以此易彼乎然今猶幸道理無

阻耳倘聞風竊取不逞為難比解金者安能飛
渡則向之所為剝膚吸髓聚悲歎怨而來者亦
徒為大盜資而何益之與有且金亦何必
貢自滇哉

京師百貨輻湊四方精金不脛入

都門待售估堅利任得價惟恐輸金之不遠既無
虞設處之艱窘又何省飛輓之驛驛於計甚逸
於事甚易而何必專取給於滇也語為十鍾一

石比猶為

國計言也若非

貢金一兩非白金一兩不能辨則其費非致一石

此矣其有用不過以備

宮中之需曾何關軍

國之重其無用則徒為朽蠹之積不乃貽

聖德之累哉噫此之

貢也

天不能雨地不能產勢必貿易於外地反以生事
而起釁是復召武定之變也皮骨已盡不堪再
剝彼夫困者思以闢窮者思以噬是復為楊瑞
之續也種種難端足為寒心

陛下深惟及此其當

罷寧待再計哉若黔則尤甚矣黔四面皆夷一線
入滇其地境彊賦稅不足當東南一岩邑而民
習夷風走死地如驚最易於為亂往者苗氣不

靖剽剥無虛日民不安命賣不出途黔已岌岌
不可為幸撫臣獨出壯猷不避艱險躬親掃穴
黔人始得聚廬托處稍安故業矣乃兵燹之後
繼以旱虐臣始經其地則見其田起黃埃野無
青草鵠形鶴面者累累而遍田野而黔中故事
郵傳盡領於武弁與卒擁臣言其枵腹之困動
至累年所至譁然漸見脫巾矣比臣從滇回又
見其疫癘盛行自窮鄉以及里巷無有孑遺向

之饑軍餓卒環泣而訴於臣者盡化為烏有
車相望溝壑填委鬼哭人號為之陰霾不開平
越以東祝融煽焰廬舍一空遍為露處觀者莫
不咨嗟蓋從來

上天降割一方未有至此極者臣每見各省直一
遇地方灾沴撫按必為之

請
命或

蠲征或留稅

皇上無不

報可今黔以征則無可蠲以稅則無可留伏賈

皇上四十四年曾

俞撫臣之

請官馬價六萬撫臣遂得以一意料理兵食功成

安攘今前效已睹後局當收況當此重失之後

啾啾待哺視諸省直尤急

陛下普

一視之仁

慨然出

帑金數萬一以賑饑民一以餉餉伍撫臣必能宣

陛下

德澤旣循喚咻而黔庶其有瘳不然

天灾人怨醞釀並至此夫仳儻脫巾者皆能瞑目

語難其為黔禍豈獨在苗哉夫今東事方急於

燃眉而臣獨以滇黔為今言者良以東北西南
堵我

國家之土宇辟之一身痛癢未有不相關者向惟
玩忽東事偷幸旦夕謾不設備以致今日墮

廟堂之經營今滇黔已有其形矣毋謂此一隅耳
楊首已事前車不遠萬一撻而走險激成大變
滇黔動則楚蜀危不復增一東事之憂哉故在
滇則數十年困累者當為之節其力當此東事

倥偬而

明詔罷

貢金使外夷聞之未必非舞隋干羽而滇從此沾
浩蕩之

恩倘

陛下有待停止則乞從嘉靖初年二千

貢額於法

祖中亦寬一分

德意誰不巔呼更生焉在黔則
陞下行之已滅者不當復屯其膏撫臣雖不敢再
望發棠而

陞下僅為滄海消漓乘此阽危之候
大育

恩卹閭閻卒伍有起色永固邊圉莫此為便倘
陞下方急東顧欲

留左藏則臣項從滇來見滇鎮臣嵩目時事捐貲

報

國業有二萬輸將在途乞將此數
先轉賑黔以滇之有濟黔之急

陞下患此不貴而潤輒附困亦足少甦萬一矣乃
臣因論滇黔而有感於用人之要也

中國相司馬而遼人戒邊軍中有一范而西賊胆
空自古籌邊首惟用人黔為多事之

國所以能易危邊安者以有撫臣為之左提右挈

故也今滇自舊撫得

告缺幾經年矣雖按臣綜理精核彈壓有賴然轉
盼俟代軍旅何事滇鄙何地一日無撫臣為之
專督哉則

亟下新撫尤為安邊第一計也臣途次草

疏懼自出於位累欲焚草因睹此星變人心憂惶
大小臣工政不當以言為諱輒自效其款款之
愚伏惟

聖明採納施行

臣按此疏當東事倥偬之時為黔滇

請命近於無疾之呻吟然謂二省已有東荒之形
而水西之變曾不旋踵其言中矣故錄之

萬曆肆拾壹年捌月拾貳日

太常寺少卿等官胡忻等一本為

藩封急宜就駕

王田萬難足額謹瀝血合辭仰懇
聖明立賜裁決以釋群疑以完

大典事臣等恭惟

福王

皇上愛子也分封

祖宗大典也以愛子之心行法
祖之事則

福王之國寧肅再計蓋

皇上之封國於

福以用愛也豈其徒寄空名之謂必其茅土實膺
而後國不為空王

福王之愛封於

皇上以承愛也豈其徒擁虛器之謂亦必藩事實

蒞而後王不為虛貴乃今封期已愆事猶遲疑
豈

福王真患貧必取盈於四萬項之數將使
分封鉅典為不結之局耶夫四萬項為必不可得
之數也天下之人盡知之內外臣工俱言之矣
而

福王願爭執不已者則有以兢心於
潞王四萬項之額而不平心於

王租四萬六千有餘之入耳額雖縮於四萬項之
內而入實溢於四萬兩之外相提而論亦不啻
足矣夫利田利在起租起租祇以贍養今以四
萬六千餘田之租供

王一年三百六十日之用是費百餘金而
王尚稱不足耶且

潞王何可為比也是

皇太后之愛子也又我

皇上之親弟也昔日漢明帝封諸皇子制食邑僅
諸王國之半明德皇後以為言帝曰我子豈可
與先帝子等等且不可別其祖入已過之乎

皇上即以裁抑

福王亦所以教之順明有節也豈可任其侈欲莫
之禁耶鳴鶴在桑其子七兮言其餉之者均平
如壹也

福王而下猶有

瑞王有

惠王有

桂王皆已及期

皇王愛

福王亦宜愛

瑞王愛

惠王愛

桂王

福王田四萬頃

瑞王

惠王

桂王田亦宜四萬頃

國家財力其何能支

聖恩濫觴安所底止能無慮乎尤可慮者

福王不之國則人心不定猜疑橫生訛言蠭起王

曰乾之奏可為寒心

皇上能不為

福王計耶

福王能不為自計耶故臣等竊謂

福王莊田之額必不能足

福王之國之期必不可緩伏願

皇上亟罷括田之令併申就國之

旨王母留行式遄其歸俾遐邇臣民曉然知

皇上無成心

福王無異志則人心大定群疑頓清
大典永光臣等不勝拱俟之至

臣按鳴鶴均愛詩人所稱四百萬頃之額獨
取盈於一藩而他藩則否亦少偏矣以為必
不得之數而藉此以遲回於就封何以解於
群疑耶

萬曆四十二年正月二十六日

戶部等衙門左侍郎李汝華等一本為理財須
秉真心經國必求故典謹陳足財裕

國之寶以安九塞以圖萬全事項該巡閱御史李
徵儀為饑軍四日之亂事勢萬分危迫乞
勅部臣速行議發以信

明旨以全

國威以安反側事奉

聖旨該鎮軍餉缺乏着借馬價銀五萬給發近來各鎮紛紛告訃着戶部會同九卿作速詳議處置來說各軍受朝廷豢養給餉偶遲自當聽該管官奏請如何聚衆要挾自干法犯着督撫巡按官嚴查為首倡率的處治不許縱容致滋驕悍該部知道欽此案呈臣汝華且感且愧謹于月之十一日即會同署吏部事兵部尚書王象乾等九卿衙門官集議終日同舟之濟各矢公

忠先議借節慎庫銀三十萬兩太僕寺銀五十
萬兩兵部班價銀十四萬八百兩有南京兵部
借銀十萬兩戶工二部各五萬兩共一百四十
萬八百兩兵臣業已先疏具

聞濟燃眉之急消脫巾之變在此一舉中外所為
翹首跂踵者然借支以紓目前其暫也經畫以
圖永久其常也

明旨謂詳議處置蓋為疆場萬年之計而臣等熟

思審處寧無芻蕘一得之愚乎臣等嘗深惟其
故蓋

國家三十年來

典禮征伐莫非財貨而其出入之數盈虛之端可
得而論也按各省直歲額銀入于太倉者多不
過四百萬自萬曆初年

皇上以宮用不敷于金花銀外復有

旨取太倉銀二十萬名曰買辦遂為例至三十六

年前任本部尚書趙世卿始為執奏蒙寬緩然迄無

明旨報罷計三十年出太倉者凡六百萬矣

皇太子冊立

國家之鉅典其次如

瑞王七公主先後婚禮及今

福王之國金寶珠玉等費出太倉者又四百二十

四萬七千餘矣三叛之役數載迭興輓粟飛芻

萬里驥動出太倉者又幾千餘萬矣猶未也按
穆宗初年計臣馬森奏歲支邊餉二百三十六萬
有奇至于今除民運外支太倉者乃三百九十
萬此又以千餘萬計皆在歲額外者入有限出
無窮欲財貨之常盈而不虛安可得哉今日事
勢至此惟有

上下中外同心以圖實政而已凡非故典者終不
能行即行之何益皆非實也臣終不能行于前

疏之外復有所加第以能行之事及行之而有益者會同商確不過推廣前說期于法在必行耳謹列數款為

皇上陳之

一曰修屯田之實古不暇論

國初後尚置屯自邊以及中土往往而是所謂兵有所自出餉有所從來即遼左孤懸塞外先年亦無年例銀兩則屯米最急也今內地未必盡

荒而軍不能有若九邊則半歸武弁不則成荆
棘矣四十一年遼東巡撫張濤疏報節年開過
荒地五千三百餘頃大同巡撫石崑玉報蔚翔
等州縣開有糧并無糧地一千二百餘頃三十
九年直隸屯田御史徐鑒報開過畿輔山東河
南一千一百餘頃此皆鑿鑿有據者若使風紀
之臣督率各文武官盡力開墾量地為之輸米
將官勿占養廉則生業自饒中原入戍者具有

資斧土著之卒不獨專倚轉輸每歲終各鎮督撫俱要據實奏報明言開屯若干得穀若干即照扣抵年例不報者聽該科叅糾此真濟餉者之一也

一曰舉益法之實

國家常賦而外益政其大利也益政壞則私鹽為之而商人遂病今兩淮借課至四五百萬邊引壅至七八百萬商人改業則六十萬解部之額

缺邊引不售則四十萬供邊之需又缺今即日
河南南陽不可問也其他如豪傑巨蠹獨不能
以法從事乎近總漕陳薦御史徐縉芳議專設
道臣一員駐儀真以督察私販而約束水內之
商臣等甚是其議矣大都掣鹽不愆其期則行
益無漏價私鹽杜官鹽自行行之一二年必有
餘積如兩浙山東閩廣有悉心經理者各相利
便而為之計所得必多每歲終凡邊鎮及有鹽

政衙門俱要

奏報不報者聽該科叅紏此其濟餉者一也

一曰嚴逋欠之罰凡省直京邊錢糧皆軍國正額乃三十一年以至于今積欠幾五萬矣

國用浩煩何以堪逋負繩頑民則非苛政戒惰吏則豈深文水旱不免京邊催科何辭以文臣以為地方未免分散各官一切以其成例從事其挪借別用及有司解司而司不解京者俟詳核

前疏特奏府印官既合其屬總算則布政司官應以通省計其分每住奪降級一如府官不許斥考每歲終總計合省錢糧以為布政之殿最又總計一府之錢糧以為官府之殿最又總計一府一司益知兢惕賦不至終逋矣至于鹽科歷年牽扯逋欠積弊所從來久即益法考成新例縷列詳明而課額之日虧猶故是不奉處二法終難行課終不完臣請

申飭考成之法務在必行每歲終聽巡監御史備
聞數目職名凡運司經營官違限不起解者奪
俸降職如其罰州縣掌印官銷引不及數者停
其陞遷給由則法行知畏而益課可完邊儲有
濟矣又一也

一曰清虛冒之餉夫一芻一粟養士馬也今諸
邊自元戎以下及參遊守備等官各以大小占
軍籍而沒其入問其卒則盡工墨士也問其政

則捉鼠採青也舉

國家歲歲金錢直委諸壑耳其安用此輩而蓄之
今請簡將帥朝夕試騎射以為常巡方專閫之
臣又分日閱軍卒不使少逸其物故有稽閭除
收伍有考家丁宜有實數冊籍不得虛閭道臣
一核實然後送餉司支糧冒濫者通坐不職則
包占者抑何容焉此不期省而餉自省者又一
也

一曰杜增餉之端卷查嘉靖元年至十年邊餉
共用六百八十萬有奇萬曆元年至十年則增
至二千九百萬固三倍矣自萬曆三十一年至
四十年則增至四千餘萬又六倍矣此無異故
客兵原係有事調遣事已則撤今有增無撤召
募原係一時驚急設處今召募撤而設處如故
至于撫賞日加如互市時蓋日引月長遂相倍

旋臣請

明旨申飭各邊撫按但要練見在之兵不必增額
外之餉逃故不補則經制之舊額可復士馬有
稽則防守與征討儘裕况未款之前兵少既款
之後兵加此人以爲憾而兵貴精不貴多有
兵不練與無兵同此亦人人能道之者兵不必
增斷斷矣三十九年宣鎮曾題經制之外添兵
宜銷而本部亦題各邊宜爲通查此皆奉有
明綸各邊所宜欽遵者若每年

奏報錢糧百分缺乏之內必使主餉常裕客餉漸減此兩言者又非中外所宜服膺者哉永杜增餉之端無重太倉之困又一也

一曰核外府之入卷查淮安四稅額定二萬五千兩為運軍月糧等項支用自萬曆三十五六年後監稅歸于有司商艘以至每歲四稅頗溢額外固該府作正支銷而當此太倉如洗之日宜取之以佐涓滴之用除臣移劄監督倉臣晉

正額二萬五千兩外其餘盡數解京仍行臨德
徐津等倉不拘各項但有盈餘悉解太倉至于
各省直府州縣事例稅契銀兩賊罰紙贖缺官
俸糧等項係濟邊之數裏有定制但有司之賢
者固多而不肖者亦不無則報有多寡解有遲
速固甚懸矣聽臣轉行各諸按臣清查前項銀
兩凡係濟邊者須盡數開報依期解京如有隱
漏及遲延者撫按官不時叅處雖瑣屑末務然

後河海不擇細流壞土可禆太山未必不可佐軍需之一滴又一也

一曰信必行之法夫糧儲握錢谷憲道主兵戍繡斧之使巡察百司節錢之臣控制千里若使同心率職以佐

公家何事不可為乎但法已備而不用

自己播而輒違申飭祇同故紙盈廷竟屬空言是以議論多而成功少也

請着為令各邊糧儲等官有能節約奉公一切還
官空月及出入之美。三年內積銀過十萬兩
外者查挨明確照先臣魏學曾例優以京堂十
萬以內者註上中考擢用無者下考其兵備道
臣及管糧府佐有能任內閑地至五百頃得谷
至五千石外者佐升府正道臣備巡撫其不然
者聽撫按議處將官亦如之若夫關邊八事首
積錢糧臣部前疏已奉

明旨但宜確守不變凡各地方欠京邊糧者在省
直廵撫總叅在邊方督撫以邊糧獨叅以歲一
舉俱于歲終查核限次年三月到部其積錢糧
若亦于終冊報不報者本部移會該科叅議此
法在必行者又一也凡此數款稽

國家之典制則不惟有法而亦有人課察之事
功則不以日計而以歲計臣實無遠大之術然
在今日可行及行之而可見効者其道不外此

故曰卑論而易行此之謂也伏惟

俞允

勅下臣等一體遵行則封疆幸甚

臣按邊屯一事既可足國又能禦虜曩有獻
地水師邊略者謂地中水即地險也然墾
田者其夫一萬則必設兵三萬以衛之虜至
而不能戰戰而不能勝則耕夫膏野草矣又
牛種農具之費必先給散脫為惰農所廢追

呼雖屢易所取償故邊屯亦不易也撫臣張
濤石崑玉徐鑒開田各有成績踵而行之深
有益於度支者

萬曆四十六年八月十四日

戶科官應震一本遼兵結局無期遼餉支銷易
盡謹博採群策特請宸裁仰祈

聖明下部酌寢以濟危遼事劫自奴首犯順遼左
阽危此時景象所期剪滅而後朝食寧僅僅月
計歲計者乎以臣一得謬慮萬全非多積餉以
厚養兵必無幸者即前日群議三百萬足了此
局而况三百萬中尚有七十萬茫無着落者耶

瓊林大盈之積既恠不肯捐金花歲榷之留又
忍不能割十庫改折之議久屬留中蠟香之冒
濫請裁未裁營馬之侵虛請革未革甚至司農
嘔心措辦今且借無可借搜無可搜然則遂束
手待斃已乎抑拘文牽俗以尋常計

國籌邊之術為是規規而已者乎蓄艾已云後時
治標不妨通變柰獨思獨見媿無千慮之愚而
爰咨爰詢幸恃群言之集則有謂南兵部每年

收放三司錢糧尚饒者矣有謂南操兵餉銀並
後河修冊存積尚有盈餘者矣有謂滁州行太
僕馬價并鳳陽等府先年借修河銀存剝尚堪
動支者矣有謂河南山東修河工食徵解未用
者矣有謂兩淮庫存餘銀又淮安倉稅額銀題
准餘稅盡解濟邊止解一年至今四年未解若
專疏另催亦可得銀數萬充太倉之涓滴者矣
有謂許暨北新九江臨清蕪河淮安楊州等關

多有盈餘倘能助邊即為優轉但不得借名以
加稅商賣者矣有謂庫倉積逋雖經部疏業奉
俞

旨乃各處撫按有司但分畛域固念同舟于後先
移文視為故紙至今數月罕有應者戶部何不
摘一二急玩有司徑自指名奏奏或不時開送
臣科代奏者矣有謂各省藩司庫與兩直府庫
不拘正項盡從權借酌量數目勒限解部協濟

俟遼平之日議處抵補有謂事例開納雖積有
歲年然輸納者不過百金耳惟是納

文華殿

武英殿中書有一二千計往時多至二十員近見
任四員而外僅納者一人遂為數年之絕响蓋
此輩素封多欲借貴顯誇耀鄉里年來防奸偽
驛騷出

差有禁長安米貴如珠此輩不以為榮而以為苦

孰樂趋馬夫近日銀差多用武弁反滋弊孔但
今用中書着本官自備夫馬限以定數既絕驛
驛之擾兼廣援例之門矣有謂助於富民或戶
部刻一濟邊之札限定例銀五十兩札令有司
榜諭通知有樂輸者即給以札空街遙援除給
札外又做山西濟饑之例為濟邊馬凡士民輸
銀一二百兩者免役丁題給冠帶有司禮待輸
銀三四百兩者免役丁題給散官名色給扁禮

待許自樹坊八百兩者題給品級散官給扁免
丁禮侍官為樹坊

宗室及品官有助銀者題請旌獎疏上報可尋有
監事劉承言等輸千兩外題請建坊旌獎此即
近日見例可援至若南太僕吳炯之捐貲助邊
數至巨萬特取

溫綸則猶士大夫之可以風者矣以上諸款將臣
風聽之臚言豈盡經邦之石畫第臣念川百奔

而為海吹萬集以成聲可兼採乎二三豈盡無
裨於萬一伏祈

勅下戶部查確酌量

題覆則于撻伐未必無補矣

職按

世宗時倭亂用兵里居士大夫史際等有助餉者
璽書褒獎進階有差遼事起惟黔國公沐昌祚南
太僕少卿吳炯助軍興一萬兩而吳炯有官

非求進無子非求恩此官應震所為表而出
之也士大夫顧有因官致富金穴銅山田連
州郡曾不忍捐一文錢濟

國家之急者猶復坐致高官沾沾自謂得計其於
人賢不肖何如也

萬曆四十七年九月十六日

戶部等衙門尚書等官李汝華等一本為遼左
危亡在眼

陵京禍亂劫膚除

發帑外別無一策救急合懇

聖明立刻傾出億萬以結軍心以奪虜氣以暫圖
歲月之安事日聞遼東消息北闕已陷瀋陽一
空遼陽軍民個個要走人心一離大事去矣經

畧一人雖則責於各將不能責軍雖責各道道
不能責民欲戰而戰無人欲守而守無人且又
無甲馬弓矢器械奴酋嗜手取遼陽無此攔當
之具無數個攏當之軍此豈經道將諸臣能以
兩手兩足戰守遼陽乎而非獨遼陽人心然也
使遼陽失則廣寧人心亦然廣寧失則山海永
蘿人心亦然山海永蘿失則

京師人心亦然

京師失則各省直人心亦然

皇上深居

大內不知近年邊腹地方人心憔悴處處偷安假
如數個強賊放火殺人雖有千萬軍民不敢拚
命上前與他抵敵何況虜騎數萬壓山山崩壓
城城破聞風喪膽不等到處個個要逃誰敢上
前抵敵此海內

太平日久積安積弛積畏之勢不是遼陽一鎮人

心單怕賊夷到極處也今日到此極處別無他
法可以鼓舞惟有多將金錢買其死命兵法曰
軍無財士不來軍無賞士不往又曰重賞之下
必有勇夫今日軍民窮到極處若使多得幾文
見錢到眼到手可以養活父母妻子則伊必然
出力捨命報效

朝廷萬死不辭若無見錢只以軍法斬之亦斷不
肯捨命出力且恐激他變此其事理洞然明白

皇上自然肯

信自然肯從者也但今日見錢戶部無有工部無有
太僕寺無有各處省直拖欠無有自有邊事以
來戶部一議挪借而挪借盡矣一議加派加派
盡矣一議搜括搜括盡矣有法不設有路不尋
則是戶部之罪至於法已設盡路已尋盡再無
銀兩則是戶部無可柰何千難萬難臣等只得
相率懇

請

皇上將

內帑蓄積銀兩即日發出億萬存貯太倉聽戶部
差官星夜督發遼東急款遼陽如遼陽已失急
救廣寧廣寧有失急款山海等處除此見錢除
此急着再無別項處法今日臣等不

請是臣等負

皇上

皇上不聽臣等是

皇上負

祖宗

皇上今日不聽遼陽明日危亡

京師後日禍亂臣等惟有相率焚香拜謝
九廟神靈以

皇上豢養六尺犬馬之軀盡死

京師而已尚有何策何能可救旦夕而外之急保

宗社之安也哉

皇上將臣等此言千思萬想

轉意回心即日允發

帑金五百萬賚赴遼陽軍前聽經畧諸臣鼓舞軍士買奴首父子一顆之頭不復問出入然後陸續盡發千百萬貯之太倉聽臣等陸續賚去充軍馬糧草等項之用則今日轉禍為福轉危而安大機大用全在此舉臣等庶安心衝門辦事

為

皇上保護江山安穩

皇上即在

大內與

聖子神孫稱

萬年之觴不敢再來激括矣若

請帑不發發之不多不盡臣等前言已畢惟拚一

死

· · ·

京師臣等無任號泣呼
天引領特救俟
命之至

職按發帑之議至此疏痛切直截極矣
神祖固自不報
先帝用之亦復無驗是以知將材之難也

萬曆四十八年正月初五日

直隸巡按孫之益一本為藍政初值更新道臣
斷宜久任懇乞

勅部酌議照舊加銜以重

國課事職惟朝廷之用人期于人與事稱也而人
臣之任事期於事與身習也以稱任之人當久
習之事方敷庸茂績併臻厥成一旦而遽議更
置在尋常職務尚虞廢格况關係軍國之重如

益政者哉夫兩淮鹽法自魯璫肆行博課以來
商逃課壓邊引等于弊楮歲額無據燃眉種種
弊端幾不可救藥矣幸

皇上瞻念邊儲俯允部議

特遣副使袁世振頒給

勅命前往查理恭繹

明旨原謂不必限定年歲待疏理有効聽巡鹽御

史核實

奏報繳還

勅印另議優擢以鹽政通塞責之道臣以查核功
次責之鹽臣以優擢茂賞待之將來成功之後
赫赫王言可謂委任之專而督成之効矣前鹽
臣龍遇奇復

命之日遵

旨查核功次欲議照邊臣考績例加銜久任誠念
鹽政當改絃之際非得道臣如世振者獨肩其

間不能勝其任而愉快也業荷

俞渙下部矣職復何言迺郎報中接戶科抄添大
卒謂去年部科初議原無久任一說且
勅書所載原謂不必限定年分欲將道臣一面超
升一面將新道臣另推面相交代臣復玩之無
非欵信

明旨申前議恤勞臣意甚善也但職自入境受事
以後冉冉凡三月矣細按邊報轉餉之故與吾

社向背之情則道臣有不容不久任者故敢復
瀆以聞伏乞

皇上軫念國課重大

勅下吏戶二部作速議復將袁世振照前鹽臣龍
遇奇

題准照邊臣加銜之例則勞臣知勸而監政亦通
矣臣無任懇

天激切之至

職按淮楊鹽法已弊自袁世振而補綏一新
雖中考功法然此疏是公論也

萬曆四十三年七月初十日

直隸巡按李嵩一本為

明給已沛奉行宜周敬陳目前賑蠲之說以廣德意以撫灾黎事項接薦遼總督薛三才一本為畿輔旱災異常等事奉

聖旨畿輔旱災異常以致饑民群聚搶奪着先發通倉米七萬石分賑被災處所務使人沾實惠等因欽此臣疾讀一過不覺舉手加額有是哉

我

皇上如天好生之德雖深官邃密之中未嘗不屢
閭閻疾痛之苦剪爪宜及膚割髮宜及體即古
帝皇損己濟人之周澤諒無以加此顧

上之軫恤徒殷無抒之

澤而有不必究之

恩下之瞻注空切乍惄於殘喘之可延復飲恨于

溝壑之中棄議賑而民不以為惠議蠲而民不

以為寬此豈賑蠲之果無益于數則有司之奉
行未善所以為賑且蠲者非也蓋賑者憐其貧
而賑之也若據里書之查報以定戶口之盈乏
就中需索挪移令貪者不必給而給者未必貪
此

嚴諭州縣正佐自備壹餐量帶駕從分歷郊原逐
一查視富者勿論貧者即登記簿別置印押小
票用一新刻圖書半鈴簿半鈴票票令貧戶收

執俟領米之日對同給散如是則胥役不得高
下其手而楞脰免向隅之悲矣賑者期于享賑
之利也聚千萬之衆于城市之中勢必不去俄
頃竣事將守費之苦所得不償所失合無以積
米之所在為率酌村落之遠近為腳價之多寡
令民間有車者輦之各鄉即出其米之緒餘償
之仍

諭州縣正佐各于原查地方驗票俵給如是則貧

民不至扶携道路而枯骨有甦生之慶矣至于
蠲有蠲之名無蠲之實有蠲之害無蠲之利而
蠲愈不可為訓矣故蠲存晉不蠲起運是名為
蠲而實不蠲也蓋起運為

國用之急需不可蠲存晉亦俸餼之必資不能蠲
以不可蠲者卸責于難蠲而以不能蠲者巧托
于蠲而何常蠲則蠲存晉不如蠲起運之為益
也此蠲之當議者也暫蠲之以停征終不蠲以

并追是以利始而以害終也故征之停也驟近
民以小喜而追之并也重繩民以難堪原不蠲
而以蠲阱民憐于罔姑為蠲而以不蠲叢厲跡
于虐則暫蠲之何如終蠲之為益也此又蠲之
當議者也雖然議賑易議蠲難

國家積貯之說原以備不時之需第今賢能有司
賑濟得法不過分所有以益所無而賑之能事
畢矣若田租之入固軍

國命脉所關日來邊餉動遲至數月督催之令急
如火星願安所得剩餘而貸之語曰藏不偏多
故物不偏罄用不偏原故人不偏窮今

大內之積似亦藏多而用原矣臣記三十八年直
隸等處灾傷蒙

聖母慈諭發銀十五萬兩

皇上即將

御前積餘及新到浙直稅銀五萬兩一并齋鮮各

處賑濟

芳規不遠

懿矩如新倘一旦

詔發帑金數十萬以抵災民今歲田租之半則有
蠲之利無蠲之害有蠲之名并有蠲之實臣意
如傷之視發而倍懲

宵旰之圖久而靡輶當無俟言之畢矣伏祈

皇上 晉神省覽

職按救荒之策蠲不如賑賑不如發帑藏然
發帑藏非臣子可取必要在邑令視國如家
視民如子平時有預備臨事能速發而已

萬曆三十四年十月十三日

戶部尚書趙世卿一本為羽書旁午軍士呼庚
懇乞

聖明俯俞邊臣之請以極萬分阽危事項接薊遼
總督蹇達順天巡按劉世科揭為虜衆近邊窺
伺軍餉萬分難缺乞請

皇上沛發

內帑數十萬以濟艱虞內稱虜衆數萬或往遼東

講賞或犯山海迤西大都諸夷包藏禍心欲思一逞此番情形逼真因憶臣向來為錢糧挪借百口力詣正慮有今日之變不意邊陲一旦孔棘如此夫臣業治餉邊餉有缺自當索取乃舍臣而乞請

內帑也其意何居蓋倉庫之虛實有無非臣一人可私匿固中外之文武將士萬耳萬目所共聽睹者也省直之逋欠挪借非臣一人之私憂亦

中外文武將士萬目萬耳所共驚咤者也臣部
原仰給於省直省直既外解不敷則臣之計窮
邊鎮原仰給於臣部臣部既京運無湊則邊臣
之計窮彼明知臣部之無而強責臣部之有心
必有所不忍已知臣部之無而坐待軍士之斃
其勢又有不能此所以只得哀懇望救於

皇上蓋情出萬苦無聊亦可憐矣臣憶今春

皇上曾檢發餉臣殷盤舊疏下部議覆此

皇上特出之德意大小臣工久已翹首跂足以戴
之者倘乘此危迫之秋仰望之際一旦慨發帑
金數十萬解貯薊遼密保各庫聽官糧郎中刻
期給散鼓舞軍士有事則充客兵之需無事仍
扣年例之數此以

皇上帑藏寶

皇上之邊圉壯

皇上之威靈惟在

明主自為

社稷計耳臣曷勝願懇祝禱之至然臣猶有所懼而不自寧馬臣聞長安士紳與論皆曰今天下名為治平無事其實有不測之憂者蓋章疏之未通也榷稅之未罷也郎署之未遷也臺諫之未補也軍伍之未實也臣愚以為此數者固足以基禍然其機轉移尚易以我

皇上聰明神聖可朝振刷而夕奏功耳唯夫金錢

未谷天非頃刻所能生地非斯須所能產銖積
寸累航海梯山然然輦致之於疆場一日偶虧
則禍袒操戈而內向斯其所關係為何如者目
今小有警急便已倉皇假令潢池揭竿烽燧四
起其將何以應之乃以此景象猶今日告蠲明
日告折彼處暫留數十萬此處暫借數十萬臣
即有喙三尺難叩

九閩甚則臣子之寸心或見憐于

君父而

君父之嚴旨反不能得之於有司天下事其不可為類如此不知

皇上萬年金甌果何所恃以善其後乎嗟嗟

國家東蕩西除甚足快意何物河伯作崇竭三省之物力摩兩部之金錢致無完局是外逼於強虜而肩背之患既以不支內苦於驚濤而腹心之疾又復時作即令點用南山之石以為金

錢寧能實此無底之漏卮哉興言及此是我通國君臣方處幕上燕也則柰何宴然不一究心也

臣按人臣謀國有似是而非者請蠲請折似於愛民請存留似於預備請借支似於應猝然皆目曉之智護身之符而未嘗通論天下之勢也若大司農掌錢穀之出入則引義而爭故其所矣

萬曆四十二年四月二十七日

禮科給事中姚永濟一本為開墾實關

國計証誣明屬私圖貧民之力本何辜良法之害
成可惜懇乞

亟賜乾斷并乞申

諭後來以無悞遠畝事職于本月初七日接邸報
見御史黃彥士有近畿開荒一疏職私心且嘉
且惜蓋當今謀求地利生財之法無如墾田而

黃御史慨然欲行職故心嘉之然此美政也亦大政也非老成不與言非萬全不一試而疏中
有移文厥監往復酌議等語職惜此說必中格
也居無何而總督南海子司禮監太監盧受疏
至果以為侵

御苑傷

龍脉且奉

內旨突如嚴提擬罪矣職為之驚駭嘆息曰有是

哉議方興而咎立至事未舉而虛已隨何物虛受敢欺奸一至此乎夫阻撓在今日之塊土尤可言也疑畏在後日之人心不可言也請以開墾之關係為

皇上備陳之夫民富在于多粟多粟在于墾田墾田為粟所樹為財所歸故田野不闢則貨財不聚理固然也今天下其有土而不獲土之利者甚衆其有土之利而不獲力田之利者亦甚衆

職方慮豪強之貪并有司之倦勤阻此開荒之
大計正議條奏以聞而執意誑言惑聽乃出一
盧受哉受所借詞者海子也御史黃彥士之所
參駁者牆外也今職之所為昌言糾正者則恐
將來拒人千里之外也試推廣之其當行之說
有七焉者蓋謂

聖諭不可不繹也伏覩

大明會典一款嘉靖十三年令各處荒閑田地許

諸人開墾永為己業又查萬曆二十九年

恩詔一欽開近京漸開水田往往既墾成熟被勢豪及地主占奪今後許被害奏告重處是

清朝招墾之條不啻三令五申凡以衣食之源富強之基鼓舞不得不勤也彼盧受曷知此乎職又謂往事不可不証也如秦中白公穿涇水灌田迄今遺跡可按若乃引泉築防千里不難沃壤而沿邊荆門左右并幾輔州縣如玉田豐

潤涿州寶城近京小馬房青龍橋等處何地不可
耰鋤元郭守敬所談西地水利六事久矣膾
灸人口凡以治國如治家因地制宜其精神至
今在也彼盧受曷知此乎職又謂玉田不可不
審也江南之田全資灌溉水車胼胝人無遺力
非甚人旱皆可支持以故禹貢揚州之田下下
而今遂甲於天下若西北田比數倍東南每見
草萊四塞鑿基不親地曠民游遂致失利是南

争于所不足北棄于所有餘南民苦不得其地
北地苦不得其民始信荒蕪拋擲之真可惜也
彼盧受曷知此乎職又謂風氣不可不順也天
地氣候近轉北方陰晴寒暑花果麦稻無異于
南者天意實在西北之開荒以大興

國家富強之業邇年墾地成田熟者十分有九京
米之不甚貴皆由于此始信勸耕屢畝之真有
益也盧受曷知此乎職又謂戶口不可不籌也

今之戶口視

國初不啻五倍生齒衆矣乃生粟未之人不與俱
衆承平久而奢侈滋逐未多而務本少正所謂
一人耕十人食欲天下無饑不可得也及今招
集開墾信力動作民皆得所天國亦不匱彼盧
受曷知此乎職又謂功令不可不優也詩云泰
稷薿佽介攸止烝我髦士故漢取士以孝弟力
田同科此意猶有存者今欲天下菽粟如水大

使南民來耕輒獎如雲議者謂成熟三百畝以上准為世業量授武功爵有差是收地利之自然不以文移強也聽自備之資本不以官帑往也彼虛受局知此乎職又謂招募不可不遠也語曰荒田不爭繞耕便爭今莫非王民擴為外省大失

祖宗勸農美意舊議京東開成而以推之全輔諸郡諸郡開成而以推之邊塞諸藩北地處處耕

轉不減江南水鄉三年究其成萬世席其利彼
盧受曷知此乎職每念

國家邊餉告急借發無從近見當事大臣深惟本
計講屯講墾不少輒舊有路水客談一書長安
為之希貴凡以地利人力良與鑄山煮海不同
故周家以農事開國用能延八百之祚其關係
不甚重哉若紹璫者流與之言營稅則色喜柰
何以根本至計反予若輩圖之職不能不為此

舉惜也若

皇上孝思錫類無日不加意小民柰何以票擬
輪音竟為宵小誑言而加重職不能不為
明旨惜也查歷來激勸開田仰有

明諭俯有給示而應募良民反令得禍勢必懲鑒
廢食聞風解體永閼開荒之策于不行職又不
能不為

國計惜也職聞王庶士疏其駁牆外之非苑地最

詳而職則推廣言之謂此地之墾皆其小也惟
是該監飭挖濬以便封殖阻良議而虐平民他

日

國家遠大之圖所妨害非細職故不憚責言之伏

乞

聖明念赤子之當矜勘

某地之無涉而該監之誣奏必治稟擬之增損必

慎仍申

諭各地方官即行設法招來實心勸相務使遠近
開荒無過生疑阻則
國計民生俱有賴矣

臣按西北之田以寬東南之力今天下至計
往有光祿少卿徐貞明著路水容談一書最
為明確曾銜

命受事京東而北土縉紳恐異時賦役繁重與東
南等群起而抗之有

詔停止蓋亦此疏所陳盧受輩害其成也

萬曆三十六年十二月十九日

戶科給事中韓光裕一本重鎮蠹壞已極懇乞
聖明亟勅更新以保疆圉以固根本事臣惟我
國家建都北平山寰負海肩接強胡遼東其左臂
也遼東危則薊密以西俱危而

京師動搖乃今日之遼非復昔日之遼也自趙楫
李成梁以本京本鎮之人營謀窟穴憑藉為奸
多年朘削盡畧全遼之有一充私橐一奉要津

方二千里皮骨空存膏血已竭以致邇來建首
驕橫脾睨中原缺貢額而不敢問裁參默而不
敢問據疆土驅人民而不敢問即么麼小醜如
寧賽者亦輒逆吾顏行闖入內地蹂躪殺掠莫
敢誰何則遼之為遼可已幸檄

宗廟社稷之靈諸臣交章論例我

皇上慨然罷趙楫李成梁而遼乃得見天日近接
卽報該鎮撫臣李炳按臣熊廷弼各一疏皆為

舊餉司以積羨之故致額兵不補且限為經制
臣不勝駭異遑何不幸而苦貪撫苦惡鎮又何
不幸而苦聚斂干進之餉司以甚其毒而助之
虐也夫全遼額設官軍八萬一千九餘名除
守城擺塘架砲等項外大營堪戰主客兵
不滿八千即趙祥曾人言矣八千者北御虜東
備倭如有故不補亦不給糧則數年間原額
可立盡乃驅無糧之兵而使之戰是以卒于敵

以遼僥倖耳查先任嘗糧郎中王愛經營三年
所積羨餘銀十九萬四千餘兩糧五萬六千二
百九十餘石夫有兵即有餉有缺即有補安所
得羨餘從扣尅來此非經非制也

國家之設經制始自嘉靖四十五年復定於萬曆
元年又復定於萬曆十九年蓋因數十年間九
邊請乞日煩錢糧自增不得已限之以經制乃
斟酌於歷年損益之數博采諸臣閱視之日若

曰此為經常此為典制恐後加於額之外非今
減於額之內也誰令其積羨以蹣超遷如王愛
者事發之日天已殛之又誰令效尤以限經制
如王之都者無論不顧邊防即經制二字亦不
思其所繇矣經制

朝廷之令甲也自萬曆十九年奉

旨刊刻令已去其籍矣彼之都者遂以積羨為
令甲耶以額軍不補為

令甲耶以惟正之供軍國之命歲搜七萬餘博
兩級之榮為

令甲耶是相率而為盜臣也既盜

朝廷之錢糧又盜

朝廷之名器亦安用此臣為矣且趙楫李成梁棄
經制以成其貪而經制在王愛王之都借經制
以行其私而經制亡經制亡則鄧林不足供野
火滄海不能實漏卮臣因向者王愛之報節省

也意邊餉當有餘頃見各督撫之催年例也則
邊餉實不足心切疑而不得其解今兩臣疏論
具悉大抵明出暗入幕四朝三之術扣尅為羨
以欺蔽

朝廷壅視耳目舊餉司之與舊撫鎮其為邊害等
而誦詐過之皆所為不容於堯舜之世者自昔
吉利之臣亦往往不乏或充山海或征益鐵或
榷酒酤下至坐市列販可謂濁惡卑鄙之極曾

未有以羨餘為利者五代時唐倉吏歲歉羨餘
萬石唐主曰出納有定數苟非倍民刻軍安得
羨餘以晚季之所不為而稔為之又加馬亦足
羞矣且今年二月趙桺李成梁相繼疏請增兵
夫額內之兵不

請補而額外之兵反求增此非中外通同為無厭
之谿壑耶總此六十八萬有奇餉銀耳趙桺扣
於斯李成梁扣於斯各將官遞效扣於斯餉司

復受指戶部扣於斯官軍所得幾何額兵八萬
去其七月銀四錢去其三餉日減日微遼東之
不亡殆天意非人力也故王變久陞而驟以病
死王之都未久而遽以憂去趙楫李成梁甫倡
議而以被論免是數者皆天之所以全遼也全
遼所以全

京歸也遼之今日如久病瀕危之人絕有生機必
須參木以固其元氣餽粥以調其榮衛然後本

體漸充諸邪自除而風寒暑濕不能侵也可復
堪寇伐之創陽補而陰損之哉則救遼之術惟
在足其額兵給其額餉禁代遣禁占沒禁扣寇
自餉可始務令兵不浮食食不浮兵可以哨可
以守可以戰犁庭掃穴可也何區區建首率首
之能為難哉自今本鎮京運錢父數多至三十
八萬有奇雖有善者何以措手該部自宜昕夕
解發以濟庚癸之乎乃民運屯運至今日亦有

不得不為清理者若本鎮民運主客山東布政
司額設十三萬三千三百餘兩山東運司額設
一萬三十九百餘兩一年垂盡前銀分毫不解
而去歲之欠者復累累矣管糧司道所職何事
每半年報部胡不一催發也此尤其在本年者
耳又若大同一鎮具民運主客銀三十五年分
山西布政司額該六十一萬四千三百餘兩已
完五十一萬六千一百兩業已完至八分以上

河南布政司額該五萬七千六百乃止完六千
六百餘兩已逾二年完不及十分之二或侵或
欠責必有歸又如屯田之設非石田而無所用
也屯糧之數非畫餅而不可食也各鎮之道員
不知幾何即就大餉司所開報本鎮三十五年
分本折屯糧共十一萬一千九十餘石止完五
千九百八十餘石不及十分之一竟成烏有現
管糧四路同知梅斐通判斐文炳楊亮所職何

事一年有久次年為例一鎮有久各鎮為例豈
屯糧也田皆虛名而官亦為虛員耶以上數事
該撫臣餉臣具題下部該部又安得置之若罔
聞也各鎮管糧郎中與巡撫會同參罰而郎中
巡撫不行各鎮管糧郎中例上下半年將民屯
欠數目造冊進呈

御覽并送部科查考而各鎮郎中不盡行該部不
循畫一之法不務振刷之舉而默積羨餘若未

溫斯何其所急如此其所緩如此耶彼此又因
遼東而及大同因大同而及九邊皆今日所宜
急另溝求急為整頓者兵強食足無論有事無
事在找常有以衆制寡以餉待饑之形自遼東
以盡首西陲諸酋虜且望風納款藉賴恐後不
測閑闊識之可興師問之亦可金甌天下億萬
年泰山而四維之也伏惟

聖明嚴勅該部速革陋規速興善政庶

國計邊防利賴無疆矣臣不勝激切待
命之至

臣聞書曰罔違道以干百姓之譽邊臣之節
省美名也而此疏準以經制剗然正大之論

原
缺